

Приютненск района комсомольск конференц

Шидр Приютненск района комсомольск конференц болснд, ВЛКСМ-н райкомин сeглaтp Василий Жигайлов доклад кев. Докладтан эн багъчудин күч-көлснә дилврин кесг үзгүр үзүлдж. седсән күцәдгинь заав. Конференцин элчнр докладчикин келен деер немр, района эдл-аху болн культур бөдлүлхд амаран ик эв-аргъ багъчудт бaa-хинь үзүлв.

Районд нерн туурен багъ наста хөбчнр йир элвг. «Дружба» колхозин хөбчнр Павел Куценко, Семен Анацкий 107-ч совхозин хөбч Илья Ковалев гурвна гардджах бригаде 100 нааднр хөн болгънас 110-122 хургъ авцхав. Сан сакманшикин нер комсомольцир Надежда Зикеева, Виктор Черноусов, Анатолий Куникин болн нань чиги кесгн зүүү.

Олна малд элвг хотин көрнө бурдәлгьнд багъчуд йир шундж орлцв. Механизатормуд дунд делгрүлгден социалистическ дөрлдәнд Василий Федиркин Василий Мединцев хойр техникиг эвинь олдж олзлад, нег агрегатар 95-98 гектар өдртән хадв. Эднәс үлгүр авад, Василий Пластамак, Андрей Чесноков, Пантелей Руденко, Федор Харченко шунад, эн зун 1500-1600 гектар өвс күн болгън хадв. Багъчудас б комсомольцирас бурден өвс хадж хурадг 57 агрегатед болн бригадет 11 миньгъ шаху көвүд-күүкд орлцад, 88 миньгън гектар газрт хадад, 33962 тонн өвс овалв.

Приютненск РТС-н комсомольцир Михаил Пасечников, Иван Невичеря, Дмитрий Бадин, Анатолий Махнычев, болн Римма Токарева — көдлшинн хөбн көдләд, шагладд хайгддж одсн аныгс нилүлäd «У-2» гидг гурвн, «СТЗ-НАТИ» гидг нег трактор, өвс хадг — хойр, өвс цуглулдг — хойр маши болн кесг мааджур кедж гаргъв. Тер техни-

кәри бийсн 200 гар тонн өвс хадж, хурав.

Буудя икәр авх нооданд багъчуд бас шумгъа кевәр орлцв. Комсомольцирас болн багъчудас бурден 63 агрегат ахр цагин эргид гуйр хадлгьиг төгскв. 107-ч совхозас Иван Вдовенко агрегат 147 гектар хадад, 397 гектар газрт цуглулад, 8150 центнер буудя цокдж цеврлв. Комсомольцирин көтлврч Лидия Мединцева (4-ч номертә совхозас) халуна цагт 12 багъчудас нег бригад бурдәгдәд, шишлин көдлшән төгскәчкәд, өдр болгън 12 час сө күртл төкд көдлдг билә.

Кесг зун багъчуд хөд төлән авлгьнд орлцад, эрдни-шишә тәрдж ургъагъад, эдл-ахун болн культурн тосхачирин түрүн зергләнд йовла.

Болв, конференцин делегатир, бәрсн дилврмүдән ш а л г ь д ж, ВЛКСМ-н райкомин, комсомольск организацин көдлмшт дуту-дунд бaaснн илдкв. Уүрмүд Менке-Убушиев, Калинин, Яковлев, Куникин келен үгмүдтән кесг дуту-дунде темдглв.

— Джир шаху багъчуд сакманд көдләд, эднәс кесгн гару угагъар хургъдиг негн күртлн хадгълла. Тер бийн мана эдл-ахун голлч аныгн — хөд өсклгън сәәнәр әс күцәгдв, юнъгад гихлә, эн тускд ода бийн икәр оныган өгхшвди — гидж «Дружба» колхозин комсомольск организацин сeглaтp үр Калинин келв.

Терн үни. Района комсомольцир хөд өсклгьнд үнидән оныган әс өгсн учрар, хөбдин тонь болн ноосна зура күцәгдемн биш. Ода бийн эдл-ахусар гарун ик, хөбдин болн хургъдин гару нег үлү ик. Тегәд чигн конференцин делегатир авсн шидврмүдинн негднн, цаг түдлгө, дарунь хөбчнрин бригадеур 70 комсомольцир болн багъчуд

йовулхиг шидв.

ВЛКСМ-н райком багъчудт сургъмдж өгхд, идеологическ көдлмши гардхд оныган багъар өгәд, селәнә эдл-ахуд көдлджәх багъчудин бaaдл-джиргъл яерулхд багъар орлсенин конференцид уүрмүд Скрыпченко, Годин, Серенко, Иванов темдглхәв.

— Мана багъчуд кезә болвчн эдл-ахун болн политическ кампаньд шулгтагъар орлца. Т е г а д, ВЛКСМ-н райком, колхозмудин, совхозмудин гардачнр багъчудин амрлгьнд, эднә неквртн оныган өгх зөвтә билә. Болв, Ново-Манычск МЖС-н, «Дружба» колхозин, культурн учрежденин гардачнр эн тоотиг кергдјәхми уга.

Районд нәр-наад гаргългън йир хәтәр, хая-хаяд лекце умшгдна. Комсомолнн района комитет, энүнә сeглaтpмүдн — уүрмүд Жигайлов, Манцынов, багъчуд дунд кегдг идеологическ көдлмшин йовудиг әс шидждж, культурн учрежденилә эднә залгъдагъинь әс батлдж. Тегәд чигн ВЛКСМ-н XIII хургин зарлсн, культуриг бөдлүлх хойр джилә көдлмш эн районд делгрүлгдсми биш. Тер мет комсомолнн зерглән өслгьнд, ВЛКСМ-н райком эклц комсомольск организацла залгъдагъан батлгьнд бaaх дуту-дунд темдглгдв.

ВЛКСМ-н райкомин болн шүүврин комиссин шин хань суньггдв.

Е. ПОВАЛЯЕВ.

Комсомольцирин шунлт

Юстинск района „Северный“ совхозин 2-ч фермд арв гар комсомольцирас комсомольск бурдәгдәд, Кокин Николай гардврт суньггдв.

Ода комсомольцир эдл-ахун аль-бис аныгд орлцад, ну-урт йовихана. Шидр болсн воскресникд эн эрдни-шишә хуралгьнд көдлхәв. Комсомольцир Н. Бембеев, М. Ул-

анов, Н. Черкесов болн нань чигн багъчуд үзмджтәгъәр көдлхәв. Эн өлр комсомольцир 15 гектар газрас эрдни-шишә хурав.

Эрдни-шишә хуралж авлгьнд шундж орлсн комсомольцирт болн багъчудт совхозин дирекц болн партийн организац ханлт бргхәв.

БАДМИН Николай.